

**KOMISIJA ZA IZBOR NASTAVNIKA U ZVANJE REDOVNI PROFESOR
NA OBLAST STOČARSTVO**

**VIJEĆU
POLJOPRIVREDNO-PREHRAMBENOG FAKULTETA
UNIVERZITETA U SARAJEVU**

Predmet: **IZVJEŠTAJ KOMISIJE ZA IZBOR NASTAVNIKA NA OBLAST
STOČARSTVO.**

Odlukom Vijeća Poljoprivredno-prehrambenog fakulteta, Univerziteta u Sarajevu broj 01-6-613/2022 od 07.03. 2022. godine, imenovana je Komisija za izbor akademskog osoblja u akademsko (nastavno-naučno) zvanje redovni profesor za oblast Stočarstvo u sljedećem sastavu:

- 1. Prof. dr Muhamed Brka**, redovni profesor Poljoprivredno – prehrambenog fakulteta Univerziteta u na naučnoj oblasti „Stočarstvo“, **predsjednik**,
- 2. Prof. dr Emir Džomba**, redovni profesor Poljoprivredno prehrambenog fakulteta Univerziteta u Sarajevu na naučnoj oblasti „Ishrana domaćih životinja“, **član**, i
- 3. Prof. dr Radica Đedović**, redovni profesor Poljoprivrednog fakulteta Univerziteta u Beogradu na naučnoj oblasti „Opće stočarstvo i oplemenjivanje gajenih životinja“, **član**.

Na raspisani Konkurs Poljoprivredno-prehrambenog fakulteta Univerziteta u Sarajevu objavljenog na web stranici Poljoprivredno – prehrambenog fakulteta u Sarajevu dana 10. 02. 2022. godine za izbor akademskog osoblja u akademsko (nastavno-naučno) zvanje redovni profesor za naučnu oblast "Stočarstvo" kao jedini kandidat za zvanje redovni profesor prijavio se: dr. Ervin Zečević, vanredni profesor na naučnoj oblasti "Stočarstvo", zaposlen na Poljoprivredno-prehrambenom fakultetu Univerziteta u Sarajevu.

Uz prijavu na Konkurs kandidat je priložio dokumentaciju zahtjevanu tekstem konkursa, potrebnu za izbor a koja uključuje biografske podatke, podatke o izobrazbi, nastavnoj, naučnoj i drugim aktivnostima. Na osnovu priložene dokumentacije Komisija podnosi slijedeći:

IZVJEŠTAJ

1. BIOGRAFSKI PODACI

Dr. Ervin Zečević rođen je 21. juna 1970. u Sarajevu. Osnovnu školu i srednju školu završio je u Sarajevu. Godine 2001. upisao je Poljoprivredni fakultet Univerziteta u Sarajevu, odsjek zootehnika, a diplomirao 2006. godine. Od decembra 2006. do aprila 2013. godine bio je zaposlen u Institutu za zootehniku na Poljoprivredno-prehrambenom fakultetu u Sarajevu u zvanju **asistenta** na oblasti „Stočarstvo“. Poslijediplomski doktorski studij Poljoprivredne znanosti upisuje na Agronomskom fakultetu u Zagrebu 2007. godine, gdje polaže sve ispite s prosječnom ocjenom 5 te 09. septembra 2012. na Agronomskom fakultetu u Zagrebu uspješno brani doktorsku disertaciju pod nazivom „**Polimorfizam PrP gena u populacijama domaćih i divljih preživača**“ te stiče akademski naziv doktora biotehničkih nauka, naučnog polja poljoprivrede, grane stočarstvo. Na radno mjesto **docent** na oblasti „Stočarstvo“ u Institutu za zootehniku na Poljoprivredno-prehrambenom fakultetu u Sarajevu zaposlen je u aprilu 2013. godine, dok je u oktobru 2016. izabran u zvanje **vanredni profesor**. Kao uposlenik Poljoprivredno-prehrambenog fakulteta u Sarajevu, aktivno sudjeluje u izvođenju nastave na modulima iz stočarstva i oplemenjivanja domaćih životinja. Sudjelovao je na mnogim domaćim i međunarodnim stručnim i naučnim skupovima (Bosna i Hercegovina, Hrvatska, Turska, Srbija, Poljska, Italija, Francuska itd.) i objavio je kao autor i koautor više naučnih i stručnih radova te dva univerzitetska, dva naučna udžbenika i tri monografije. Receptent je više naučnih radova u domaćim i stranim naučnim časopisima, član uredništva Časopisa „Radovi Poljoprivredno prehrambenog fakulteta“ i član Izdavačkog savjeta Poljoprivredno prehrambenog fakulteta. U oktobru/novembru 2008. godine boravio je trideset dana na specijalizaciji na "Leibniz Institute for Farm Animal Biology (FBN)" u Dummerstorfu, Njemačka, zatim sedam dana, u oktobru 2013. godine, na Veterinarskom fakultetu, Univerzitet Udine, Italija, u okviru projekta ZOONE – Zoo Technical Networking For a Sustainable Innovation in Adriatic Euroregion, zatim na seminaru „Sustainable Aminal Production and Resource Management for Sustainable Agriculture and Food Safety“ u organizaciji Thailand International Cooperation Agency (TICA) na Univerzitetu u

Khon Kaenu, Tajland u periodu od 18. 06 – 13. 07. 2018, zatim u sklopu ERASMUS+ programa u oktobru 2021. boravi sedam dana na Institut National Polytechnique, Toulouse, Francuska. Aktivno je uključen u rad na međunarodnim projektima (IPA) ZOONE i RE-Live Waste. Član je međunarodne savjetodavne grupe pri SWG i koautor Izvještaja o stanju Agrobiodiverziteta u Federaciji BiH kao i Regionalnog Izvještaja o stanju Agrobiodiverziteta u Jugoistočnoj Europi.

2. AKTIVNOSTI POSLIJE IZBORA U ZVANJE VANREDNI PROFESOR

2.1. NASTAVNE I DRUGE AKTIVNOSTI

Nakon izbora u zvanje vanredni profesor, na Poljoprivredno-prehrambenom fakultetu Univerziteta u Sarajevu, dodatno je intenziviran njegov rad u okviru Instituta za zootehniku, ali i Poljoprivredno-prehrambenog fakulteta u cjelini. Povjereno mu je izvođenje nastave na više predmeta – „Oplemenjivanje domaćih životinja“, „Svinjogojstvo“ na prvom ciklusu studija, odsjeka Zootehnika smjera Animalna proizvodnja. Pored toga izvodi nastavu na predmetima „Populacijska genetika“, „Molekularna genetika“, „Kvantitativna genetika“ „Tehnologije u svinjogojstvu“ i „Biološki i zootehnički principi u svinjogojstvu“ na drugom ciklusu studija, odsjeka Zootehnika smjera Animalna proizvodnja.

Od izbora u zvanje vanredni profesor kandidat je bio veoma angažovan u naučnim i stručnim aktivnostima, mentorstvu i komisijama pri izradi i odbrani završnih, diplomskih i magistarskih radova. Izraženo u brojkama dr. Ervin Zečević od izbora u zvanje vanredni profesor autor je ili koautor 13 naučnih radova, koautor dva fakultetska udžbenika i koautor tri monografije. Član komisije za odbranu i ocjenu u više diplomskih radova, mentor dva diplomskog/master rada, te recezent više naučnih i stručnih radova iz oblasti stočarstva objavljenih u domaćim i međunarodnim stručnim časopisima.

2.2. NAUČNA I STRUČNA AKTIVNOST

Naučna i stručna aktivnost kandidata je iskazana kroz učešće u značajnom broju naučnih i stručnih projekata, brojnim objavljenim naučnim radovima te učešćem na međunarodnim i domaćim naučnim skupovima i seminarima.

2.2.1. NAUČNO-ISTRAŽIVAČKI PROJEKTI

Naučnoistraživačka i stručna aktivnost Kandidata se ogleda u učešću u različitim projektima, što potvrđuju slijedeći navodi:

Učesnik u projektu

1. Interreg-Mediterranean: RE-Live Waste Project. Project co-financed by the European Regional Development Fund. (09. 2019./02. 2020.)
2. Rural Development through Integrated Forest and Water Resources Management in Southeast Europe (LEIWW) (2017 – 2018)

2.2.2. UČEŠĆE NA MEĐUNARODNIM I DOMAĆIM NAUČNIM I STRUČNIM SKUPOVIMA

1. TREĆI SIMPOZIJUM: Zaštita agrobiodiverziteta i očuvanje autohtonih rasa domaćih životinja. Dimitrovgrad, Srbija. 25–27. jun, 2021.
2. 30TH International Scientific-Expert Conference Of Agriculture And Food Industry. Sarajevo, Bosnia and Herzegovina. September 25–27, 2019
3. International Symposium On Animal Science 2018
22nd – 23rdh November 2018, Faculty of Agriculture, Belgrade-Zemun, Serbia
4. 28TH International Scientific-Expert Conference Of Agriculture And Food Industry. Sarajevo, Bosnia and Herzegovina. September 27–29, 2017

2.3. OBJAVLJENI NAUČNI RADOVI OD IZBORA U ZVANJE VANREDNI PROFESOR

1. **Zečević, E.**, Dokso, A., Rustempašić, A., Brka, M.

Polymorphism of PrP Gens in the population of Chamois in the area of Biokovo – Republic of Croatia. 30th Scientific-Experts Conference of agriculture and Food industry. Pp 117 – 121. Springer Link

2. **Zečević, E.**, Dokso, A., Rustempašić, A., Brka, M.

Genatski aspekti kod transmisivnih spongiformnih encefalopatija. Radovi Poljoprivredno – prehrambenog fakulteta u Sarajevu. (2021) 71/1: 85 – 105.

3. Dokso, A., **Zečević, E.**

Analiza stanja proizvodnje mlijeka na porodičnim poljoprivrednim gazdinstvima. Radovi poljoprivredno – Prehrambenog fakulteta u Sarajevu. (2021) 71/1: 37 – 42.

4. Žiga, E., Rustempašić, A., Dokso, A., **Zečević, E.**

Uzgoj arapskog konja kroz historiju u Bosni i Hercegovini. Radovi Poljoprivredno – prehrambenog fakulteta u Sarajevu. (2021) 71/1: 29 – 36.

5. **Zečević, E.**, Dokso, A., Rustempašić, A., Brka, M.

PrP gene polymorphism in the red deer (*Cervus elaphus L.*). Genetika (2019) 51/3: 1053 – 1060.

6. Rustempašić, A., Dokso, A., **Zečević, E.**, Hodžić, A., Hrković -Porobija A., Sarić, Z., Miskoska – Milevska E., Popovski, Z., Brka, M.

Polymorphism of β -lactoglobulin in Pramenka sheep breed in Bosnia and Herzegovina. The Journal of Animal and Plant sciences. (2018) 28/1: 337 – 340.

7. **Zečević, E.**, Dokso, A., Rustempašić, A., Brka, M.

Polymorphism of the *ovine prion protein* (PrP) gen in the Pramenka sheep breed Population(s) in Bosnia and Herzegovina – Kupreski strain. 30th Scientific-Experts Conference of agriculture and Food industry. Pp 109 – 116. Springer Link

8. **Zečević, E.**, Dokso, A., Rustempašić, A., Djordjević Milošević, S.

Polymorphism of the caprine prion protein (PrP) gene in the goat population(s) In Bosnia and Herzegovina and Croatia. Radovi Poljoprivredno – prehrambenog fakulteta u Sarajevu. (2020) 69/1: 102 – 111.

9. Žiga, E., Rustempašić, A., Dokso, A., Zečević, E.

Morfološke karakteristike bosanskog arapskog konja. Radovi Poljoprivredno – prehrambenog fakulteta u Sarajevu. (2021) 71/1: 21 – 28.

10. Dokso, A., Zečević, E., Rustempašić, A., Brka, M.

Povezanost genetskih varijanti proteina mlijeka s proizvodnim i kvalitativnim karakteristikama kravljeg mlijeka. Radovi Poljoprivredno – prehrambenog fakulteta u Sarajevu. (2021) 71/1: 68 – 84.

11. Dokso, A., Zečević, E., Rustempašić, A.

Eksterijerne karakteristike dubske pramenke na području sjeverne Hercegovine. Radovi Poljoprivredno – prehrambenog fakulteta u Sarajevu. (2021) 71/1: 106 – 111.

12. Zečević, E., Dokso, A., Đorđević – Milošević, S.

Autohtone pasmine domaćih životinja u Bosni i Hercegovini. Treći simpozijum Zaštita agrobiodiverziteta i autohtonih rasa domaćih životinja. Srpsko veterinarsko društvo Beograd (2021).

13. Đorđević – Milošević, S., Milovanović, J., Đorđević, S., Zečević, E.

Integrirano očuvanje agro i biodiverziteta kroz jačanje vrednosnih lanaca u turizmu. Treći simpozijum Zaštita agrobiodiverziteta i autohtonih rasa domaćih životinja. Srpsko veterinarsko društvo Beograd (2021).

2.4. UDŽBENICI I MONOGRAFIJE

1. **Ervin Zečević**, Admir Dokso, Alma Rustempašić, Vedad Škapur, Muhamed Brka.

Ovčarstvo i kozarstvo. Izdavač: Poljoprivredno – prehrambeni fakultet u Sarajevu. 2021.

2. **Ervin Zečević**, Admir Dokso, Alma Rustempašić, Vedad Škapur, Muhamed Brka.

Oplemenjivanje domaćih životinja. Izdavač: Poljoprivredno – prehrambeni fakultet u Sarajevu. 2021.

3. **Ervin Zečević**, Pakeza Drkenda

Agrobiodiversity in Southeast Europe – Assesment and Policy Recomendations, Report Federation of Bosnia and Herzegovina. Izdavač: Deutsche Gesellschaft fur Internationale Zusammenarbeit (GIZ). 2018.

4. Agrobiodiversity in Southeast Europe – Assesment and Policy Recomendations, Regional Synthesis Report Izdavač: Deutsche Gesellschaft fur Internationale Zusammenarbeit (GIZ). 2018.

5. Ivanovska, S., Jankulovska, M., Jani, S., Đurić, G., **Zečević, E.**, Đorđević – Milošević, S., Jovović, Z., Fetahu, Š.

Food Beyond Borders. Izdavač: Deutsche Gesellschaft fur Internationale Zusammenarbeit (GIZ). 2018.

2.5. MENTORSTVA NA ZAVRŠNIM RADOVIMA NA (II) CIKLUSU STUDIJA

1. Merima Drkić: „Markerima potpomognuta selekcija u stočarstvu“, (Izvještaj 24. 11. 2017.)

2. Merlina Kandić: „Molekularno biološke metode u selekciji domaćih životinja“ (Izvještaj 23. 11. 2020.)

2.6. MENTORSTVA NA TREĆEM CIKUSU STUDIJA

Obzirom da kandidat iz objektivnih razloga nije mogao ispuniti uslov mentorstva za treći ciklus studija, odnosno integrisani studij, supstitucija mentorstva je prema zakonu o visokom obrazovanju Kantona Sarajevo i Statutom univerziteta u Sarajevu urađena sa tri dodatna naučna rada objavljena u citatnim bazama podataka, u odnosu na minimalne uslove utvrđene Zakonom

3. MIŠLJENJE I PRIJEDLOG

Na osnovu proučavanja priložene dokumentacije i poznavanja kandidata Komisija je utvrdila da kandidat dr. Ervin Zečević, vanredni profesor na naučnoj oblasti Stočarstvo, Poljoprivredno-prehrambenog fakulteta Univerziteta u Sarajevu ispunjava sve uslove, predviđene Zakonom o visokom obrazovanju KS, za izbor u zvanje redovnoog profesora na spomenutu oblast, jer:

- je u zvanju vanredni profesor proveo vrijeme propisano zakonom o visokom obrazovanju KS i Statutom Univerziteta u Sarajevu
- ima 13 objavljenih naučnih radova u priznatim publikacijama (od toga 2 u časopisima indeksiranim u SCI bazi), od izbora u zvanje vanredni profesor,
- ima objavljene 2 knjige, Fakultetski udžbenici
- mentor je dva diplomska/master rada.
- supstitucija mentorstva na trećem ciklusu studija, odnosno integrisanom studiju je prema zakonu o visokom obrazovanju Kantona Sarajevo i Statutom univerziteta u Sarajevu urađena sa tri dodatna naučna rada objavljena u citatnim bazama podataka, u odnosu na minimalne uslove utvrđene Zakonom


Osim ispunjenih formalnih zakonskih uslova za izbor u zvanje redovni profesor kandidat je pokazao izuzetnu sposobnost za naučni i pedagoški rad u kontaktu sa studentima, što je potkrepljeno kroz mentorstva i učešća na međunarodnim i domaćim naučnim i stručnim skupovima, recenzentskim radom i angažovanjem u radu sa studentima.

PRIJEDLOG


Na osnovu iznesene analize priložene dokumentacije uz prijavu na Konkurs za izbor akademskog osoblja u akademsko (nastavno-naučno) zvanje redovni profesor za oblast Stočarstvo, Poljoprivredno-prehrambenog fakulteta Univerziteta u Sarajevu, Komisija smatra da kandidat, prof. dr Ervin Zečević, vanredni profesor, ispunjava sve uslove predviđene Zakonom o visokom obrazovanju Kantona Sarajevo za izbor u zvanje redovni profesor.

Stoga, Komisija sa zadovoljstvom predlaže Vijeću Poljoprivredno-prehrambenog fakulteta Univerziteta u Sarajevu da dr. Ervina Zečevića, vanrednog profesora, izabere u zvanje **redovni profesor za oblast „Stočarstvo“**.


Komisija:



Prof. dr Muhamed Brka, **predsjednik**



Prof. dr Emir Džomba, **član**



Prof. dr Radica Đedović, **član**